

為字今用朱書

### 第二簡謁地皇君

### 第三簡謁人皇君

簡文悉用各長二尺二寸開二十四分厚二分牙五行書今周備如法禮攝畢

次師引弟子度四門解厄下就中壇

西南月門之下

師曰洞神三皇內景弟子某等朝太陰月君

禮再

師曰帝君有命令弟子某等度太陰水災之

厄弟子

次行至東北人門

師曰洞神三皇內景弟子某等朝太陽日君

弟子

師曰帝君有命令弟子某等度山林刑獄虎

狼毒蟲日門之厄弟子

次左行至天門

師曰洞神三皇內景弟子某等朝天門君弟子

禮再

師曰帝君有命令弟子某等度天門刀兵鋒

力刑殺之厄弟子

无太玄內景真元之靈祐護臣身使朝夕呪誦響徹高尊厄難超度克獲神仙拜見太一紫府之君終入无形與道合真

次讚引至玄師前散知常儀

若應錄便可於十二願前懺或來早懺了次

拜表言功

太上洞神三皇傳授儀

正一天師清微弟子洪百堅製作

道教學術資訊網站

宋仁宗御製翊聖應感儲慶保德傳序臣蓋聞天心降顧邦家所以會昌靈命丕昭神道所以協贊考載籍之攸記固今古而同符

矧復吾宗在于戰國基緒方始精感定繫或山祇而見形或帝所而叶夢其來已久斯謂不誣乃有接三統而開基將隆景業冠百神而儲祐茂顯明徵奠條梅之名區號龜王之與主見之於

翊聖應感儲慶保德真君矣

太祖肇膺元歷觀德而無言太宗祇紹睿圖

順期而前告若夫述王晨之寶睦序

斗極之仙階告國命之延洪示真科之秘曠

洪威顯洽屏乎物魅神姦誨謬博臨揚乎

天祺民祉由是靈壇爰峙微稱斯宗欽奉於

芬馨仰祈於先覺固惟九域咸被底綏豈止

三秦獨增忻戴暨茲冲眇續乃基扁仰嘉話

之在人瞻至神之佑世由是載稽茂典恭益

專名以為

上帝之楨符文考之真應安可默而無述故當垂之不刊爰詔輔臣俾詮靈訊詢求斯至

篇快旋成想風烈而昭然思音徹而可觀誠足鑠之金版秘于蘭臺披封奏歸美之心願裁於序引屬一夜觀文之暇聊志於歲時題曰翊聖保德傳云爾

翊聖保德傳卷上

宋高宗皇帝御書高宗皇帝聖旨賜翊聖保德廟額

翊聖保德真君建隆之初鳳翔府藍屋縣民張守真因遊終南山忽聞空中有召之者聲甚清徹守真驚懼四顧無所見默行悚聽約數里又聞語云汝若先行吾即在後如是者數日守真莫能測既還其家又聞室中曰吾受命降靈汝何為頑梗如此不聽吾言吾若不為宋朝大事當已粉碎汝矣守真方異之而且懼因曰未審是何星辰如此臨降守真性本愚蕙且昧神祇願勿憑凌必無事奉乃曰吾是  
高天大聖玉帝輔臣授命銜時乘龍降世但以非正直之士無以奉吾教汝有異骨不類常流汝可虔心奉吾道訓也守真曰竊聞在男曰巫在女曰覡守真雖處凡庸恥為茲類又曰吾上天之神非鬼魅也五嶽四瀆吾能役使汝若迴心入道勤奉香火當令汝應大國之徵命受  
真主之恩遇豈同巫覡之輩耶守真曰神人

既若此教導敢不虔事乃設酒肉之饌以祀焉又聞言曰吾是神人也汝何為以醴穢瀆我以汝未曉不欲罪汝此後但以香茶及素食鮮果為供吾雖不食飲汝之意也守真稽首而謝又曰吾為汝天上之師汝別有人間之師可但訪高士以求度焉守真乃禮古樓觀先生梁筮為師度為道士遂於所居之側擇隙地出家財構

此帝宮內立殿以事神且暮崇奉頗極精至神謂之曰觀汝虔心稱吾教導貞潔之士可以驅邪吾先將誨汝劔法俾汝為民除妖後當令汝結壇俾汝為國祈福守真再拜曰守真本實凡庸粗懷愚直當緣夙生奉事乃致今獲歸依願以至心永奉靈德壇儀劔法恭俟靈訓

真君曰劔法有三但以鋼鐵銀為利刃吾目一視便可用也有疾之人俾汝揮擊邪氣銷鑠其人無損或地祇作孽水族生妖分野為災國家軫慮當以上劔治之或山澤之恠飛走之雄震駭閭閻侵毒黎庶當以中劔治之